



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj: 01-GV-02-143/23  
Sarajevo, 25.01.2023. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 23. sjednici održanoj dana 25.01.2023. godine, primilo je k znanju

Informaciju o realizaciji Projekta pripajanja spomen-sobe ubijenoj djeci Sarajeva JU „Gradski muzeji“ Sarajevo i njenom stavljanju u funkciju.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

*INFORMACIJA*  
*O REALIZACIJI PROJEKTA PRIPAJANJA SPOMEN-SOBE UBIJENOJ DJECI*  
*SARAJEVA JU „GRADSKI MUZEJI” SARAJEVO*  
*I NJENOM STAVLJANJU U FUNKCIJU*

*Sarajevo, januar 2023. godine*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



**INFORMACIJA**  
**O REALIZACIJI PROJEKTA PRIPAJANJA SPOMEN-SOBE UBIJENOJ DJECI**  
**SARAJEVA JU „GRADSKI MUZEJI” SARAJEVO I**  
**NJENOM STAVLJANJU U FUNKCIJU**

Na 11. sjednici Gradskog vijeća Grada Sarajeva, održanoj dana 26.01.2022. godine, donesena je Odluka o izmjenama i dopunama Odluke o osnivanju Javne ustanove „Muzej savremene umjetnosti Ars Aevi Sarajevo”. Predmetnom Odlukom, osim što je izmijenjen naziv Odluke u Odluku o osnivanju Javne ustanove „Gradski muzeji” Sarajevo, izmijenjen je i njen član 5. stav (1) tačka 1. u koji je u djelatnost ove Javne ustanove uvršteno i „očuvanje sjećanja na u ratu stradalu djecu grada Sarajeva”.

Na ovaj način iskazana je zajednička spremnost Grada Sarajeva, JU „Gradski muzeji” Sarajevo i Udruženja roditelja ubijene djece opkoljenog Sarajeva 1992.-1995. godine, kao inicijatora pripajanja, u pogledu očuvanja kulture sjećanja, borbe za istinu o agresiji na našu domovinu i jačanja društvenog sustava u procesima učenja o ratu, a koja ideja je na zajedničkom sastanku koji je prethodio donošenju pomenute Odluke gradonačelnice Grada Sarajeva gđe Benjamine Karić, direktorice JU „Gradski muzeji” Sarajevo, gđe Senke Ibrišimbegović i općinskog načelnika Općine Centar Sarajevo, gđin-a Srđana Mandića, usvojena i dana joj je puna podrška.

Po donošenju odluke kojom je omogućeno pripajanje spomen-sobe JU „Gradski muzeji” Sarajevo, poduzele su se intenzivne aktivnosti na konačnoj realizaciji ovog projekta.

Kao logičan slijed dogovora, a na prijedlog JU „Gradski muzeji”, uslijedila je saradnja sa Historijskim muzejom Bosne i Hercegovine i njihovim timom koji su već ranije počeli proučavati ovu tematiku, te je s tim u vezi dostavljen izvještaj koji se sastojao iz nekoliko faza:

**- Prikupljanje i obrada predmeta**

Implementacija postavke u spomen-sobi započela je popisom do sada prikupljenih eksponata. Predmeti su popisani u digitalnu online bazu i dodijeljen im je pripadajući inventarni broj. Svaka porodilja/dijete ima svoj dosje sa popisom i specifikacijama predmeta koje su ustupljene spomen-sobi. Paralelno sa inventarisanjem radi se na prikupljanju nove građe. Priče roditelja su snimljene u audio i video formatu.

**- Adaptacija prostora**

Prostor spomen-sobe je adaptiran prema potrebama idejno-historijske koncepcije. Trenutno se radi na preuređivanju vanjskog prostora. Planirana je adekvatna signalizacija koja bi povezala spomen-obilježje i spomen-sobu.

**- Izrada tematsko-ekspozicionog plana**

Tim Historijskog muzeja BiH napravio je tematsko-ekspozicioni plan – riječ je o narativnoj strukturi koja objašnjava raspored tema i preciznu poziciju materijala (predmeta, fotografija, tekstova, dokumenata) u okviru postavke. Tematsko-ekspozicioni plan prošao je recenziju uprave i stručnog kolegija muzeja, ali i internacionalnih savjetnika koji poznaju temu u historiografskom smislu.

**- Dizajn postavke**

„Sarajevski spomenar” je trenutno u fazi prostornog oblikovanja – skice prostornog rješenja će potom biti grafički riješene.

**- Instaliranje postavke**

Grafička rješenja prolaze fazu printanja i pripreme mobilijara. Nakon toga se postavka instalira u prostoru.

U međuvremenu, stvorene su pretpostavke za zaključivanje Sporazuma o međusobnoj saradnji u realizaciji projekta stavljanja u funkciju spomen-prostora „Sarajevski spomenar” – Spomen-sobe ubijenoj djeci tokom opsade Sarajeva 1992.-1995. godine, čiji su potpisnici Grad Sarajevo, JU „Gradski muzeji” Sarajevo i Historijski muzeji“ Bosne i Hercegovine.

Nakon preuzimanja obaveze vezano za „Sarajevski spomenar” – Spomen-soba ubijenoj djeci tokom opsade Sarajeva, JU „Gradski muzeji” Sarajevo počeli su plaćati zakup prostora za budući izložbeni prostor, a

pristupilo se i regulisanju ostalih obaveza propisanih Ugovorom o upravljanju i pridruživanju galerije (spomen-prostora) „Sarajevski spomenar“ – Spomen-soba ubijenoj djeci tokom opsade Sarajeva 1992.-1995. godine JU „Gradski muzeji“ Sarajevo.

Također, izmjenama i dopunama Budžeta Grada Sarajeva iz novembra 2022. godine, Gradsko vijeće Grada Sarajeva, na prijedlog gradonačelnice Grada Sarajeva, odobrilo je dodatna sredstva JU „Gradski muzeji“ Sarajevo, neophodna za konačno stavljanje u funkciju ovog prostora.

Tako je Ugovorom o realizaciji odobrenih sredstava iz Budžeta Grada Sarajeva za 2022. godinu, broj: 01/10-11-8381-1/22 od 30.12.2022. godine, regulisan način realizacije odobrenih sredstava za 2022. godinu sa pozicije 614 400 – JU „Gradski muzeji“ Sarajevo, u iznosu od 50.000,00 KM namijenjenih za finansijsku podršku realizaciji projekta „Sarajevski spomenar“ – Spomen-soba ubijenoj djeci tokom opsade Sarajeva 1992.-1995. godine.

Dakle, kao što se iz naprijed navedenog može zaključiti, Projekat je u finalnoj fazi te se u mjesecu januaru i februaru 2023. godine planiraju intenzivni radovi na ovoj postavci.

Namjera je da se u finalnu fazu sa svim pratećim grafičkim i promotivnim materijalima krene u mjesecu martu tekuće godine, te da se eventualno njeno otvaranje planira za 6. april 2023. godine, u okviru obilježavanja „Dana Grada Sarajeva“.